

醫類


漢書門	一	四	六	八	八	一
類	號	函	架	冊	冊	冊

內閣文庫	漢書	一	四	六	八	一
特才函	冊	冊	冊	冊	冊	冊

內閣文庫	
番號	漢 1464
冊數	16 (= 5)
函號	別 43 11

五





程氏醫說醫類卷之三

目錄

嘔吐附吐酸吞酸隔氣惡心及吐家諸症

嘔吐證

脉法

嘔吐隔氣摠論

漏氣

走哺

乾嘔

惡心

吞酸吐酸

脉法

嘔苦

嘔清水

吐涎沫

醫類

目錄卷三

嘔蟲

評

霍亂門 附吐利

霍亂證

論霍亂所因

論霍亂分三因

論霍亂轉筋

論霍亂煩渴

論乾霍亂

霍亂治例

脈法

妊娠霍亂

產後霍亂

吐利

評

反胃隔噎門

反胃證

論三陽結為膈病

論吐分三焦法

脈法

論五噎五膈

論噎食

論噎為諸氣所致

論噎塞為陰中伏陽所致

論治噎之法

脈法

評

呃逆門

即效逆傷寒論謂效逆諸書謂之吃逆俗名謂之噦飽是也

呃逆證

辨效逆與噦不同

論傷寒效逆有寒有熱

效逆分陰陽證

效逆噦分手足

經標本辨

論雜病效逆皆由病後胃虛所生

治法

脈法

灸法

產後呃逆

諸逆衝上

運氣厥逆有三

評

嘈雜噫氣門

摠論

治法

脉法

噫氣

脉法

評

痞滿門 附胸痺

痞滿證

脹在腹中脹有形痞在心下痞無形

論傷寒心下痞

論傷寒雜病痞皆血證

論諸瀉心湯

用藥寒熱不同

論痞為熱症

脉法

方法

胸痺

評

積聚門

積聚證

內經論積

論九積

論治積大法

論積聚分三因

論積聚癥瘕不同

論五積六聚治同

斷

論養心積自除

治法

脉法

息積

倒倉法

霞天膏

評

氣門

諸氣證

論九氣動為諸症

氣屬陽動作火論

論氣無補法之誤

論局方用熱藥治諸氣之誤

脈法

養氣篇

評

鬱門

鬱證

脈法

評

五疸門

疸症

黃汗

黃疸

穀疸

酒疸

女勞疸

通治

論傷寒陽症陰症發黃

食勞痺疸一名黃胖

目黃

脈法

評

目錄終

醫類卷之三

建武居士道承父若水程式 著

嘔吐門 附吐酸吞酸膈氣惡心及吐家諸症

嘔吐證

內經曰諸嘔吐酸氣逆上衝皆屬於火東垣曰夫嘔吐噦皆屬於胃胃者總司也以其氣血多少為異耳丹溪曰嘔者陽明也陽明多血多氣故有穀有物氣血俱病也仲景云嘔多雖陽明症慎不可下孫真人曰嘔家多服生薑乃嘔吐之聖藥也氣逆者必散之故以生薑為主吐者太陽也太陽多血

少氣故有物無穀乃五病也有食入則吐有食已則吐以陳皮去白主之噦者少陽也少陽多氣少血故有穀無物乃氣病也以薑製半夏為主故丹溪治嘔吐噦以生姜半夏陳皮之類是也究三者之源皆因脾胃氣虛弱或因寒氣客胃加之飲食所傷而致也宜以半夏茯苓陳皮生姜之類主之或加砂仁或加丁香藿香若但有內傷而有此疾宜警其虛實使內消之痰飲者必下之當分其經對症用藥不可亂也

嘔者有聲而無物曰乾嘔乃胃中有濕熱肺脾二經

有痰火宜加味二陳湯吐者穀物齊出是也此胃氣受傷或失饑飽或食冷物或食難化堅膩之物或宿酒積食滿溢所致或寒氣逼迫於胃皖或胃口停寒留飲而吐者宜加味養胃和中飲治之有熱鬱於中宜涼膈散主之又積熱大小腸燥結不通而作吐者宜調胃承氣湯下之若係時疫傷寒病邪入於內熱結於中而作吐者調胃承氣湯主之有濕熱凝滯欲吐不吐者宜二陳湯引吐之得食即吐者火也停久而嘔者寒也有久病胃虛不能納穀聞穀氣而嘔噦者有綠氣逆者停痰者宿

食填塞胃口聞新穀不能下關而嘔者又以脈證
大微遲數參之

得食即吐脈數者胃熱而嘔二陳加姜炒枝連火上
冲食已即吐和中桔梗湯荆黃散發熱而嘔小柴
胡加竹茹陳皮食久作吐脈遲者胃寒也理中湯
加木香半夏食積為寒所假而吐紫沉丸朝食暮
吐或暮食朝吐久病胃虛不能納食脈微而吐六
君子加丁砂或四君子加黃芪飲食傷胃而吐枳
朮二陳加香砂食鬱吐者乃因停飲食未剋化新
穀不下反出脈必沉宜吐之氣鬱飲食不消填塞

胃口嘔吐者二陳加麩蘖查連或加厚朴枳實單
係七情所傷氣鬱嘔吐或作寒熱眩運痞滿者大
藿香散停痰氣鬱食不得下嘔者脈必滑伏二陳
加貝母竹瀝痰在胸嘔噦温膽湯中脘伏痰嘔噦
眩運旋覆花湯氣逆枳梗二陳湯飲酒過度而嘔
濟生竹茹湯葛花醒酒湯不効薑蔗飲
直指方云人皆知嘔吐出於胃氣不和然胃有寒有
熱有痰水宿食膿血有氣攻又有風邪入胃或惡
聞食臭而吐者各類推而治之不可執一見也
寒而嘔吐則喜熱惡寒四肢凄清或先覺噦酸脈

弱小而滑因胃虛傷寒及傷飲食或傷寒汗下過多胃中虛冷所致宜溫之二陳湯加丁香或理中湯加枳實不効則溫中湯甚則附子理中湯或治中湯加丁香並宜冷服蓋冷遇冷則相入庶不吐出如藥入口即吐去乾姜白朮加木香沉香蓋虛寒痰氣凝結丁附既溫佐以沉香則通乾姜白朮則泥耳羅謙甫云諸藥不愈者紅豆丸神効熱嘔食少則出喜冷惡熱煩燥引飲脈數而洪宜溫涼解之二陳湯加黃連炒枝子枇杷葉竹茹乾葛生姜入蘆根汁服 痰水疰者吐沫怔忡先渴

後嘔宜消痰逐水二陳湯加蒼朮白朮木瓜苡仁車前 宿食疰者胸腹膨滿吞酸宜消食去積保和湯 腥臊氣熏灸惡心此濃血之聚經云不瀕治濃盡自愈也宜地黃湯 七情內鬱關隔不平此氣攻之疰經云諸鬱干胃則嘔吐也二陳湯加枳實木香或寬中散 風邪入胃人多用參朮助之攔住寒邪尤關利害宜祛邪扶胃二陳湯加荆防 全匱方嘔而發熱者小柴胡湯主之繁古用小柴胡湯加青黛以姜汁打糊丸名清鎮丸治嘔吐脈弦頭痛蓋本諸此 胃熱而吐者聞穀氣即

嘔藥下亦嘔或傷寒未解胸中有熱悶脈洪者是也並用蘆根汁嘔吐而病在膈上後思水解急與之思水者猪苓散主之嘔而胸滿者吳茱萸湯主之嘔而渴煮枇杷葉汁飲之嘔而腸鳴心下痞者半夏瀉心湯主之氣嘔吐胸滿膈脹閉格不通不食常飽食則常氣逆而吐此因盛怒中飲食而然宜二陳湯加枳實木香各半錢或吳茱萸湯不効則下沉透膈湯及五膈寬中湯食嘔吐多因七情而得有外感邪氣併飲食不節而生大槩治以理中為先二陳湯加枳實或加南星沉

香木香或只服枳南湯或導痰湯又有中脘伏痰遇冷即發俗謂冷癩或服新法半夏湯或搗脾湯有痰飲粥藥到咽即吐人皆謂其翻胃非也此乃痰氣結在咽膈之間宜先以姜蘇湯下霧砂丹俟藥可進則以順氣之藥繼之外有吐瀉及痢疾或腹冷痛進熱藥太驟以致嘔逆宜二陳湯加砂仁白芷蔻沉香少許若陰虛邪氣逆土壅塞嘔噦不足之病此地道不通也正當用生地黄當歸桃仁紅花之類和血涼血潤血兼用甘草以補其氣微加大黃芒硝以通其閉大便利邪氣去

則氣逆嘔噦自不見矣 復有胸中虛熱穀氣久
虛發而為嘔噦者但得五穀之陰以和之則嘔噦
自止 全匱方諸嘔吐穀不得下者小半夏湯主
之又云嘔家本渴渴者為欲解今反不渴心下有
支飲故也小半夏湯主之卒嘔吐心下痞有水眩
悸者小半夏湯加茯苓主之然則生姜半夏固通
治嘔吐之正劑矣然東垣云辛熱生姜之類治嘔
吐但治上焦氣壅表實之病若胃虛穀氣不行胸
中閉塞而嘔者唯宜推揚穀氣而已勿作表實用
辛藥瀉之故服小半夏湯不愈者服大半夏湯立

愈此仲景心法也 嘔吐諸藥不効當借鎮重之
藥以墜其逆氣宜姜蘇湯下靈砂丹百粒俟藥得
止却以養正丹半碗丸導之嘔吐津液既去其口
必渴不可因渴而遽以為熱

丹溪云凡病欲吐者不可下又忌用瓜蒌杏仁桃仁
蘿蔔子山梔皆要吐丸藥帶香辛行散不妨注船
大吐渴又飲水者即死童便飲之最妙
劉河澗謂嘔者火氣炎上此特一端耳不足以盡之
也但因火與痰者為多

脈法

脈訣舉要曰滑數為嘔代者霍亂微滑者生瀯數凶
 斷脈經曰嘔而脈弱小便復利身有微熱厥者
 難治寸口脈緊而芤其人食已即吐陽浮而數
 亦為吐寸口脈微而數微主無氣則榮虛榮虛
 則血不足則胃中冷故吐寸緊尺澁其人胸滿
 不能食而吐寸口脈數其人則吐寸口脈細
 而數數則為熱細則為寒數為嘔吐跌陽脈微
 而瀯微則不利瀯則吐逆穀不得入或浮而瀯浮
 則虛虛傷脾胃傷則不磨朝食暮吐名反胃寸
 口脈微而數微則血虛血虛則胃中寒脈緊而

瀯者難治關上脈浮大風在胃中心下澹澹食
 欲嘔關上脈微浮積熱在胃中嘔吐蛇蟲關
 上脈緊而滑者蛇動脈緊而滑者吐逆脈小
 弱而瀯胃反浮而洪為氣浮而匿為積沉
 而遲為寒跌陽脈浮胃虛嘔而不食恐怖者難
 治寬緩者生寒氣在上陰氣在下二氣並爭但出
 不入先嘔却渴此為欲解先渴却嘔為水停心
 下屬飲嘔吐大痛色如青葉葉者死

嘔吐膈氣總論

潔古家珍吐證有三氣積寒也皆從三隻論之上隻

醫類
卷之三
在胃口上通於天氣主納而不出中焦在中脘上
通天氣下通地氣主腐熟水穀下焦在臍下下通
於地氣主出而不納是故上焦吐者皆從於氣氣
者天之陽也其脈浮而洪其症食已暴吐渴欲飲
水大便燥結氣上衝胸而發痛其治當降氣和中
中焦吐者皆從於積有陰有陽食與氣相假為積
而痛其脈浮而弦其證或先痛而後吐或先吐而
後痛其治當消積而和氣下焦吐者皆從於寒地
道也其脈大而遲其症朝食暮吐暮食朝吐小便
清利大便秘而不通治法宜通其閉塞溫其寒氣

大便漸通復以中焦藥和之不令大腑秘而愈也
趙以德云夫陰陽氣血隨處有定分獨脾胃得之則
法天地人而三寸之術備故胃有上中下三脘上
脘法天為陽下脘法地為陰中脘法氣交之分陽
清而陰濁故陽所司者氣陰所司者血然陽中亦
有陰陰中亦有陽於是上脘氣多血少則體乾道
之變化動也下脘血多氣少則體坤道之資生靜
也中脘氣血相半故運上下動靜升降之氣行由
是物之入胃各從其類聚水飲者物之清穀食者
物之濁然清中有濁濁中有清故飲之清者必先

上輸於司氣之肺而後四布為津為液清中之濁者則下輸膀胱為便溺出焉食之清者亦必先滯精於司血之心肝以養筋骨經脈更化榮衛流注百骸濁中之濁者則自下脘變糟粕傳送下大腸出焉若邪在上脘之陽則氣停氣停則水積故飲之清濁混亂則為痰為飲為涎為唾變而成嘔邪在下脘之陰則血滯血滯則穀不消故食之清濁不分而為噎塞為痞滿為痛為脹變而成吐邪在中脘之氣交者盡有二脘之病是故嘔從氣病法天之陽動而有聲與飲俱出猶雷震必兩注也吐

從血病法地之陰靜而無聲與食俱出象萬物之吐出於地也氣血俱病法陰陽之氣交則嘔吐並作飲食皆出然在上脘非不吐食也設陽中之陰亦病則食入即吐不得納於胃也非若中脘之食已而後吐下脘之食久而方出其下脘非不嘔也設陰中之陽亦病則吐與嘔齊作然嘔少於吐不若上脘之嘔多於吐也

漏氣

身背皆熱肘臂牽痛其氣不續膈間厭悶食入即先嘔而後下名曰漏氣此因上焦傷風閉其腠理經

氣失道邪氣內着麥門冬湯主之

走嘔

下焦實熱大小便不通氣逆不續嘔逆不禁名曰走

嘔人參湯主之

乾嘔

乾嘔噦若手足厥者陳皮湯主之卒乾嘔不息取耳

蔗汁溫服半升日三服或入生姜汁搗葛根絞

取汁服

惡心

惡心有痰有熱有虛皆用生姜隨症佐藥 惡心者

想見飲食即有畏惡之心無聲無物心下欲吐不

吐欬嘔不嘔中心快漾兀兀如人畏船雖曰惡心

實非心經之病皆在胃口上宜大半夏湯或小半

夏茯苓湯或理中湯治中湯皆可用 胃氣虛弱

身重有痰惡心欲吐是邪氣羈絆於脾胃之間當

先實其脾胃茯苓半夏湯主之 有痰飲惡心者

小半夏茯苓湯或大半夏湯 舊有風症不敢見

風眼澁眼黑胸中有痰惡心兀兀欲吐但遇風覺

皮肉緊手足難舉動重如石若在暖室少出微汗

其症隨減再遇風病復如是柴胡半夏湯主之

胃寒惡心者嘔清水不渴脈遲明知食寒物受寒
 氣理中湯加半夏生姜 胃虛不足六君子加生
 姜挾熱者再加姜汁炒連砂仁 胃中有熱作惡
 心嘔酸內有熱脈必浮大而渴數煩渴二陳加姜
 炒黃連枝仁 金匱方病人胸中似喘不喘似嘔
 不嘔似噦不噦心中憤憤然無柰者生姜半夏湯
 主之 仲景云病人欲吐者不可下之又用大黃
 甘草治食已即吐者何也蓋欲吐者其病在上因
 而越之可也而逆之使下則必抑塞憤亂而益甚
 故禁之若既已吐矣吐而不已有升無降則當逆

而折之引令下行無速於大黃者也故不禁也其
 法云避其銳擊其惰此之謂也丹溪泥之而曰凡
 病嘔吐切不可下似太死殺但要識症之真耳

吞酸吐酸

經曰諸嘔吐酸皆屬於熱又曰少陽之勝嘔酸原病
 式曰酸者肝木之味也由火盛制金不能平木則
 肝自甚故為酸也丹溪曰吞酸與吐酸不同吐酸
 者吐出酸水如醋平時津液隨上升之氣鬱滯日
 久溫中生熱故從火化遂作酸味戴氏云溫熱在
 胃口上飲食入胃被濕熱鬱滯不得傳化故作酸

也如穀內在器濕熱則易酸也吞酸者鬱積之久不能自涌而出伏于肺胃之間咯不得上咽不得下肌表得風寒則內熱愈鬱而酸味刺心肌表得溫暖腠理開發得香熱湯丸津液流通鬱熱得行亦可暫解蓋標寒而本熱也故素問河澗言熱者言其本也東垣言寒者言其標也當究淺深本末治不誤矣但東垣不言外得風寒而作收氣立說欲瀉肺金之實又謂寒藥不可治酸而用安胃湯加減二陳湯俱犯丁香且無治熱溫鬱積之法為未合經意予嘗治吞酸用黃連菜萸各製炒隨時

令迭為佐使蒼朮白朮為輔糊丸吞之仍教以糲食蔬菜自養則病易安

脈法

兩寸脈沉而遲留中有寒飲 兩寸脈或洪而數痰熱在膈

或言酸症為寒者但謂傷生硬冷物而喜噫酸故俗醫主於溫和脾胃豈知人之傷於寒也則為病熱蓋寒傷皮毛則腠理閉密陽氣怫鬱而為熱故傷寒熱在表以麻黃湯熱藥發散使腠理開通汗泄熱退而愈也凡內傷冷物者或即陰勝陽而為病

寒或寒熱相搏而致腸胃陽氣沸鬱而為熱亦有
 內傷冷物而反病熱得汗泄身涼而愈也或微而
 止為中酸俗謂之醋心宜溫藥散之亦猶解表之
 義若久喜酸不已則不宜溫之宜以寒藥下之後
 以涼藥調之結散熱去則氣和也所以中酸不宜
 食粘滑油膩者謂能令氣鬱不通暢也宜食糲食
 菜蔬能令氣通利也

吐酸者用二陳加吳茱萸炒連枝蒼朴生姜 中皖
 有飲則嘈有宿食則酸故常暖宿腐氣逆噯酸水
 亦有每晨吐清酸水數口日間無事者亦有隔間

常如酸折皆飲食傷於中皖所致生料平胃散加

神麩麥芽或八味平胃散有熱則咽醋丸 膈間

停飲積久必吐酸水或酸味蜇心痛或蜇牙神木

丸茱連丸 酒癖停飲吐酸水乾姜丸 風痰惡

心頭痛眩胃吐酸水半夏南星白附生為末滴水

丸桐子大以生麩為衣陰乾每服十九至二十九

姜湯送下

吞酸者宜節食自養二陳加萸連順其性而折之佐

以蒼朮茯苓以行其溫熱加姜炒連 有宿食不

化者平胃加神麩麥芽姜炒連吳萸各二兩浸七

日去連焙萸空心米湯下萸四十粒可愈又參萸丸可治吞酸亦可治自利

嘔苦

經云善嘔嘔有苦長太息邪在膽逆在胃膽液泄則口苦胃氣逆則嘔苦故曰嘔宜吳萸炒連姜炒枝仁北胡芍藥入二陳湯治之 陽明在泉燥淫所勝病善嘔嘔有苦又云陽明之勝嘔苦治以苦溫辛溫是運氣嘔苦皆屬燥也

嘔清水

經云太陰之復嘔而密默唾吐清液治以甘熱是嘔

水屬溫一味蒼朮丸主之

金匱方心胸中有積

痰宿水自吐出水後心胸間虛氣滿不能食茯苓飲主之能消痰氣令能食 又云渴欲飲水水入

則吐者名曰水逆五苓散主之 千金方治痰飲

水吐無時節者其原因冷飲過度遂令脾胃氣羸不能消化飲食飲食入胃則皆變成冷水反吐不停皆赤石脂散主之赤石脂搗篩服方寸匕酒飲時稍加至三七服盡一斤終身不吐痰水又不利

吐涎沫

金匱方乾嘔吐逆吐涎沫半夏乾姜散主之半夏乾

姜各等分杵為散取方寸匕漿水一升半煎至七合頓服之 乾嘔吐涎沫頭痛者吳茱萸湯主之 婦人吐涎沫醫反下之心下即痞當先治其吐涎沫小青龍湯主之涎沫止乃治痞瀉心湯主之

嘔蟲

仲景以吐虵為胃中冷之故則成虵厥宜理中湯加炒川椒五粒檳榔五分吞烏梅丸 胃效之狀效而嘔嘔甚則長蟲出亦用烏梅丸 有嘔吐諸藥不止別無他疴乃虵在胸膈作嘔見藥則動動則不納藥藥出而虵不出雖非吐虵之比亦宜用吐

虵藥或於治嘔藥中入炒川椒十粒虵見椒則頭伏故也

評曰

按嘔吐酸水惡心等疴名雖不同總根於熱濕痰所致但以病機言之則屬於熱以臟腑論之則脾胃受病以內邪言之則痰飲宿食之所為治宜熱者寒之脾胃濕以苦燥之有痰飲者清之散之分利之有宿食者消之導之驅逐之然必審脈驗疴營標本淺深虛實施治庶不悞人世醫徒拘局方不察于斯率用溫熱之藥豈嘔吐酸水等疴專主於

寒而無他症乎不知此等症屬寒者少屬熱温痰
 宿食停飲雜症者多惟合河澗東垣丹溪三家之
 論其病源治法無餘蘊矣至嘔蟲一欵仲景以胃
 冷宜理中湯之說尤不可拘執蓋虵因温熱而生
 亦有胃中熱使蟲不能安而吐者脊多食其甜之
 物如其糖白糖類引動虵蟲而吐者若狗仲景法
 一一以理中湯投之禍人不少且本草云蟲動上
 衝吐出非黃連不能安則吐蟲非盡屬冷明矣予
 治吐蟲症數遍醫皆指為胃氣將絕用理中湯予
 曰非也病者壯盛面色紅活脈洪而數乃胃熱症

也用黃連枝子等劑而愈方見醫案若胃冷吐蟲
 脈必微弱色必黯淡四肢厥冷甚矣治病者不可
 不知也

霍亂門 附吐利

霍亂症

霍亂者揮霍變亂起於倉卒多因夾食傷寒陰陽乖
 隔上吐下利搔擾痛悶是也又云邪在上則吐邪
 在下則瀉上下有病既吐且瀉

河澗曰有聲有物而吐利者霍亂也易治有聲無物
 而躁亂者乾霍亂也難治又曰吐瀉不止者其本

在於中焦或因渴而大飲飲而過量或因饑而過飽以致溫熱內作故吐瀉並作此陰陽交錯而不知風木溫熱之為害也

丹溪曰內有所積外有所感陽不升陰不降乖隔而成非因鬼邪皆飲食所致也治法宜引清氣上升濁氣下降散風行溫兼分寒熱無有不安如吐瀉未止切勿投以穀食米湯一呷下咽立死必待吐瀉止後半日方可與稀粥少食以漸而將息也

論霍亂所因

經曰歲土不及風乃大行民病餐泄霍亂體重腹痛

筋骨繇併又曰太陰所至為中滿霍亂吐下土鬱之發民病嘔吐霍亂注下又曰有熱至則身熱霍亂吐下

傷寒論曰病嘔吐而利名曰霍亂或發熱頭痛身疼惡寒吐利或自吐下又利止復更發熱也皆是霍亂證傷寒其脈微瀯者本是霍亂今是傷寒却四五日至陰經上轉入陰必利本嘔下利者不可也治保命集云傷寒霍亂轉筋身熱脈長陽明本病也脾胃受濕熱中焦氣滯或因冷飲或傷冷水或感濕氣冷熱不調水火相干陰陽相搏上下相離榮衛

不能相維故轉筋攣痛經絡亂行暴熱吐瀉中焦
胃氣所主也

論霍亂分三因

陳無擇曰霍亂者心腹卒痛嘔下利增寒壯熱頭痛
眩暈先心痛則先吐先腹痛則先利心腹俱痛吐
利並作甚則轉筋入腹則斃霍亂惡症無越於斯
蓋陰陽反戾清濁相干陽氣暴升陰氣頓墜陰陽
痞隔上下奔逸治之唯宜溫煖更詳別三因以調
之外因諸風則惡風有汗傷寒則惡寒無汗胃溫
則重着傷暑則鬱煩內因九氣所致鬱聚痰涎飲
痞隔不通遂致滿悶隨其勝復必作吐利或諸飽
食膾炙恣飧乳酪米脯寒漿旨酒胃既臌脹脾臟
停凝必內鬱發遂成吐利當從不內外因也

論霍亂轉筋

陳氏曰轉筋者以陽明養宗筋屬胃與大腸今暴吐
下津液頓亾外感四氣內積七情飲食甜膩攻閉
諸脈枯削於筋宗筋失養必致攣縮甚則卵縮舌
卷為難治劉宗厚云冷熱不調陰陽相搏故轉筋
攣痛甚者徧體轉筋此實陰陽之氣反戾風寒乘
之筋失血氣所榮而為攣縮急痛也又河澗論轉

筋皆屬火丹溪謂屬血熱二公之論轉筋非因於
 霍亂者也其不因霍亂而轉筋者誠如二公之言
 亦有血虛筋失所養則轉而急痛不能舒也若夫
 霍亂而轉筋則陳氏劉氏備矣亦有榮血中素有
 火熱率然霍亂而風寒外來榮中之熱內鬱而其
 勢猖狂則筋亦為之動轉也大抵霍亂見此症甚
 者多不可救宜急治之男子以手挽其陰女子以
 手牽兩乳向兩邊木瓜煮汁飲之香薷煮汁飲之
 燒枝子二十枚研末熟水調下熱者宜之 理中
 湯去木加生附子少許或理中加凍膠剉炒一錢

或以造麩蓼汁暖熱浸或用濃鹽湯浸仍令其熱
 縛腿脛若筋入腹及通身轉筋者不可治寒者宜
 之 直指木瓜湯 皂角末一小荳許入鼻中取
 嚏 蓼花一把去兩頭以水二升半煮一升半頓
 服之 灸承山二十七壯神效

論霍亂煩渴

陳氏云陰陽反戾清濁相干水與穀併小便秘澀既
 走津液腎必枯燥引水自救煩渴必矣止渴湯主
 之 霍亂煩渴以增損縮脾飲主之能解伏熱消
 暑毒止吐利霍亂之後服熱藥太多煩渴尤宜服

之霍亂吐瀉後煩渴飲水宜苓瀉湯 霍亂已愈
 煩熱多渴小便不利宜小麥門冬湯 霍亂後惡
 心懶食口乾多渴宜白朮散 霍亂後吐利不止
 冷汗出腹脇脹宜烏梅散 霍亂後下利無度腹
 中疴痛宜黃連丸 霍亂後下利見血宜止血湯
 赤石脂湯 紫古老人云霍亂轉筋吐瀉不止病
 在中焦陰陽交而不和發為疼痛此病最急不可
 與分毫粥飲穀氣入胃則必死矣

論乾霍亂

乾霍亂者忽然心腹脹滿攪痛欲吐不吐飲瀉不瀉

燥亂憤憤無奈若神靈所附頃刻之間便致悶絕
 以其所傷之邪不得出越壅蔽正氣關格陰陽也
 亦涉三因或藏虛或腸胃素厚故吐利不行俗名
 攪腸沙者是也此由脾土鬱極而不得發以致火
 熱內擾陰陽不交或表氣發為自汗或裏氣不通
 而作腹痛然膈上為近陽也膈下為近陰也若欲
 陰陽之氣行必先自近從上開之陽氣得通則先
 下之陽也若欲陰陽之氣行必死於其火也曰方
 論皆謂脾胃有宿食與冷氣相搏子何言為火耶
 曰神志昏胃煩燥悶亂非諸躁狂越之為屬火者

乎不急治即死非暴病暴死之屬火者乎但處治不可過於攻攻之過則脾愈虛亦不可過於熱熱之過則內火愈熾不可過於寒寒之過則火必與捍格瀆反佐以治然後鬱可升食可出而火可散矣古方有用鹽熨調以童便非獨用其降陰之不通陰既不通其五亦不行兼用行血藥也此誠良法足可為處方者比類矣 丹溪云吐提其氣最良法吐中兼有發散之義有用解散者不用涼藥但二陳湯加川芎蒼朮防風白芷 戴復菴法先以濃鹽湯頓服次調蘇合香丸吞下來復丹仍

進藿香正氣散加木香枳殼各半錢 厚朴湯
活命散 冬葵子湯 或以樟木屑煎服吐之
刺委中穴并十指頭出血亦好 此必用吐法以提其氣若不吐者不治更吳萸四兩同鹽十兩炒熨臍

霍亂治例

此疾多生夏秋之交縱寒月有之亦多由伏暑而然病之將作必先腹中疝痛吐瀉之後甚則轉筋此兼風也手足厥冷氣少唇青此兼寒也身熱煩渴氣粗口躁此兼暑也四肢重着骨節煩疼此兼濕

也傷風傷寒當於傷寒吐利門中求之若風暑合
 病宜石膏理中湯暑濕相搏宜二香散 夏月中
 暑霍亂上吐下利心腹攪痛大渴煩燥四肢逆冷
 汗自出兩脚轉筋宜香薷飲井底沉極冷頓服之
 桂苓白朮湯亦妙 戴氏云人於夏月多食瓜果
 及飲冷乘風以致食留不化因食成痞隔絕上下
 遂成霍亂宜辛溫以散標寒次以寒涼清暑熱六
 和湯倍藿香煎熟調蘇合香丸煩渴燥悶甘露飲
 五苓散茹藿湯天水散 濕霍亂既吐且瀉邪氣
 得以外出切不可食米飲除濕湯訶子散藿香正

氣散腹痛厥逆脈沉者理中湯厥逆脈脫舉體轉
 筋者當溫補回陽復脈四逆姜附之類心痛者吳
 萸比艾湯渴多欲飲水者五苓散陰陽湯 七情
 鬱結五藏六府互相刑剋陰陽不和吐利交作七
 氣湯 霍亂轉筋吐瀉不止頭目昏眩須臾不救
 者吳茱萸湯 霍亂吐利轉筋四肢逆冷須臾不
 救急以茱萸食鹽湯 霍亂多寒內冷脈絕宜通
 脈四逆湯 如頭痛發熱邪自風寒而來中焦為
 熱相半之分邪稍高者居陽分則為熱熱多飲水
 者五苓散以散之如邪稍下者居陰分則為寒寒

多不飲水者理中丸以溫之如吐利後有表者解
 之汗出厥者溫之如既吐且利小便利大汗出
 內熱者亦溫之如吐下後汗出厥逆不解脈欲絕
 者四逆等湯治之傷寒吐瀉轉筋身熱脈長陽
 明本病宜和中平胃散建中湯或四君子湯脈浮
 自汗者四君子加桂主之脈浮無汗者四君子加
 麻黃傷寒吐瀉轉筋脇下痛脈弦者木剋土也
 故痛甚平胃散加木瓜五錢亦可或建中湯加柴
 胡木瓜湯傷寒吐瀉後大小便不通胃中實痛
 者四君子加大黃傷寒吐瀉轉筋腹中痛體重

脈沉而細者宜四君子加芍藥良姜傷寒吐瀉
 四肢拘急脈沉而遲此少陰霍亂也宜四君子加
 姜附厚朴湯厥陰霍亂必四肢逆冷脈微緩宜
 建中加附子當歸湯太陰症霍亂腹痛手足逆
 冷理中湯加橘紅名治中湯或理中湯去白朮加
 熟附名四順湯若吐瀉後轉筋者理中加火煨石
 膏名石膏理中湯

脈法

內經曰脈伏者霍亂或微而澁或代而散或
 隱而伏或大而虛洪者為熱弦者為痛

脈弱漸絕死 脈漸大者生 偏身轉筋肚痛四肢厥冷欲絕者其脈洪大易治脈微囊縮舌卷不治 霍亂之後陽氣已脫或遺尿而不知或氣少而不語或膏汗如珠或大燥欲入水或四肢不收皆不可治

妊娠霍亂

若先吐或腹痛吐利是因於熱也若頭痛體疼發熱是挾風邪也若風折皮膚則氣不宣通而風熱上衝為頭痛若風入腸胃則瀉利嘔吐甚則手足逆冷此陽氣暴竭謂之四逆妊娠患多致損胎 薛

氏曰若因內傷飲食外感風寒用藿香正氣散若因飲食停滯用平胃散果脾胃頓傷陽氣虛寒手足厥冷須用溫補之劑治當詳審毋使動胎也人參散人參白朮散縮脾飲木瓜煎竹茹湯四君子湯理中湯理中丸香薷飲

產後霍亂

陳氏云因藏府虛損飲食不消觸冒風寒冷所致若熱而飲水者五苓散寒而不飲水者理中丸虛冷者加附子來復丹尤妙宜再參前治例加減 霍亂已死而胸中尚有煖氣用鹽填臍中灸二七壯

仍灸天樞氣海或石硫丸軟紅丸俱効

攪腸沙疰狀類傷寒頭疼嘔惡渾身壯熱手足指末微厥腹痛悶亂濃煎艾湯試之如吐是其疰也用針於兩手十指近甲肉際以麻札住針出黑血而愈或以手蘸溫水於膝腕內拍打有紫黑青點處以針刺去惡血即愈或用苧麻弓蘸香油或熱水刮手足胸背額項刮完喫沸湯被蓋汗出即愈誠不藥之良法也

吐利

成無已曰若止嘔吐而利經謂之吐利是也上吐下

利躁擾煩亂乃謂之霍亂其與但稱吐利者有異也蓋暴於旦夕者為霍亂可數日久者為吐利綱目以霍亂與傷寒吐利合為一門今仍分為二而以徐而日久者入此門脈經云心乘肝必吐利內經云厥陰所至為嘔泄又云木太過曰發生發生之紀上徵則氣逆其病吐利是風木之為吐利者也又云水太過曰流衍流衍之紀其動漂泄沃涌是寒水之為吐利者也漂泄謂瀉利沃全涌為吐沫也匱云乾嘔而利者黃芩加半夏生姜湯主之黃芩湯亦主之海藏云上吐下瀉不止者當渴而反

不渴脈微細而弱者理中湯主之 丹溪云泄瀉
 或嘔吐生姜汁湯調六一散服 潔古云有痰而
 泄利止甚則嘔而欲吐利下而不能食由風痰羈
 絆脾胃之間水煮金花丸主之

評曰

夫霍亂之病揮霍變亂起於倉卒與中惡相似但有
 吐利為異耳其症胸痞腹疴痛氣不升降甚則手
 足厥逆冷汗自出或吐而不瀉或瀉而不吐或吐
 瀉兼作或吐瀉不透宜通其痞塞然揔以脾胃之
 濕為本諸邪感動者為病之由然其間脾胃有虛

有實邪有陰陽相干之孰甚又有從標而得之者
 有從本而得之者有從標本而得之者六經之變
 治各不同察其色脈虛實陰陽知犯何經隨經標
 本各施其治若明理論謂傷寒吐利者由邪氣所
 傷霍亂吐利者由飲食所傷其有兼傷寒之邪內
 外不和者加之頭痛發熱而吐利者是霍亂傷寒
 也原仲景之意豈必在飲食始為是病彼於寒邪
 傳入中焦胃氣因之不和陰陽否隔者安得不有
 以致之乎不然何以用理中四逆等湯治之也至
 乾霍亂者乃其人腸胃素厚形氣本實故感四氣

則吐利不行而乾揮霍撩亂也大抵熱勝痰鬱則
 悶亂濕勝飲鬱則吐下形氣虛者禍不旋踵如胃
 中諸食結而不消陰陽二氣擁而反戾故揮霍之
 間變成吐利然飲食致者亦有有餘不足如飲食
 自倍外感濕暍而乾霍亂者宜吐之或下之過傷
 者宜消導之痰者劫之寒者溫之熱者清之要在
 隨症消息也若吐利不止元氣耗散病勢危篤或
 水粒不入或口渴喜冷或惡寒戰掉手足冷逆或
 痰熱煩燥欲去衣被此蓋內虛陰盛却不可以其
 喜冷欲去衣被為熱宜理中湯甚則附子理中湯

不効則四逆湯並宜放十分冷服若霍亂已透而
 餘吐餘瀉未止腹有餘痛宜一味報秋豈葉煎服
 乾者尤佳若霍亂并諸吐瀉後胸膈高起痞塞欲
 絕理中湯加枳實茯苓吐瀉已愈而力怯精神未
 復者十補散至俗以霍亂名攪腸沙者蓋言痛之
 甚也或刺青筋以出氣血或括胸背手足以行氣
 血俱能散痛但出氣血不如行氣血之為愈也蓋
 霍亂乃氣病非血病也若刺青筋固能散氣而血
 因之以傷况人之一身氣常有餘血常不足今不
 足者又從而傷之則愈不足也少壯之人庸或得

免而衰老之人則不免於死也何也氣為血之先
 道血為氣之依附今陰血既乏則陽氣失其依附
 必然發越不死何待書曰陽虛必惡寒陰虛必發
 熱蓋氣有餘便生火火動則發熱熱久而陰血愈
 消經曰陰虛則病陰竭則死此之謂也凡治雜病
 俱宜倣此予治一沙疰用麻黃香薷蒼朮白芍白
 芍芍藥而愈其人當三伏肩輿熱極因過溝浴水
 獲喫冷水數口少頃心腹絞痛仆地面色黯黑歆
 死乃汗未乾而水入孔竅以閉其汗蒸喫冷水致
 之故用麻黃發汗香薷祛暑蒼朮去腹中之冷飲

白芍止痛白芍行濕所以藥入腹而痛即緩也隨
 發大汗而愈凡治沙疰者法宜發汗但當察脈症
 而治之庶不悞人耳

反胃膈噎門

胃反症

金匱要畧發汗令陽微膈氣虛脈乃數數為客熱不
 能消穀胃中虛冷其氣無餘朝食暮吐變為胃反
 又云跌陽脈浮而濡浮則為虛濡則傷脾脾傷則
 不磨朝食暮吐暮食朝吐宿食不化名曰胃反傷
 寒論太陽病吐後汗出不惡寒發熱關脈細數欬

食冷食朝食暮吐註以晨食入胃胃虛不能消化
 至暮謂行裏與邪相搏則食反出也巢氏病源亦
 曰榮衛俱虛血氣不足停水積飲在胃脘即藏冷
 藏冷則脾不磨而宿食不化其氣逆而成反胃則
 朝食暮吐甚則食已即吐王太僕註內經亦曰食
 不得入是有火也食入反出是無火也由是後世
 悉以胃虛為寒而惟用辛香大熱之劑以復其陽
 雖有脈數為邪熱不殺穀者亦用之殊不知壯火
 散氣其大熱之火果能復氣乎丹溪論之詳矣謂
 夫氣之初病其端甚微或因些小飲食不謹或外

冒風雨內傷七情或食味過厚偏助陽氣積成陽
 熱或資稟克實表密無汗或性急易怒相火上炎
 以致津液不行清濁相干惟氣之為病或痞或痛
 或不思食或噫腐吞酸或嘈雜痞悶醫者不求其
 本便認為寒遽以辛香燥熱之劑投之時暫得快
 以為神方厚味仍前不節七情反覆相侵舊病被
 劫暫開濁液易於凝聚或半月或一月其痞復作
 如此延蔓自氣成積自積成痰此為痰為飲為吞
 酸之由也醫者又行謬藥遂致痰挾瘀血積成窠
 囊此為痞為痛為嘔吐膈噎之次第也醫猶以為

虛而積寒非尋常草木可療竟以烏附丹劑服之積而久也血液俱耗胃脘乾稿其稿在上近咽之下水飲可行食物難入間或可入食亦不多名之曰噎其稿在下與胃為近食雖可入難盡入胃良久復出名之曰膈亦曰反胃大便秘小若羊屎然名雖不同病出一體必外避六淫內節七情飲食自養滋血生津以潤腸胃則金無畏火之炎腎有生水之漸氣清血和則脾氣健運而食消磨傳送行矣此論膈噎之久病者也然而亦有病未久而食入即反出之不已與膈噎形狀同者何以言之

經曰厥陰之復嘔吐飲食不入入而復出甚則入脾食痺而吐王註食痺者食已痛陰陰然不可忍也吐出乃止此胃氣逆而不下行也又胃脈與散當病食痺又肺病傳之肝曰肝痺脇痛出食與夫金匱要畧復有肝中寒心中風厥陰之為病三者皆食入則吐則必又從其病由之邪而治也

論三陽結為膈病

內經曰三陽結謂之膈三陽者大腸小腸膀胱也結謂結熱也小腸熱結則血脈燥大腸結熱則不能圖膀胱結熱則津液涸三陽俱結則前後閉澀下

既不通必反上行此所以噎食不下縱下而復出也謂胃為水穀之海日受其新以易其陳一日一便乃常度也今病噎者三五七日不便乖其度也豈非三陽俱結於下大腸枯涸所食之物為咽所拒縱入太倉還出喉嚨此陽火不下推而上行也經曰少陽所主為嘔涌溢食不下又先哲論膈噎反胃大率以血澁乾稿其咽喉噎塞食不能下其稿在吸門或食下則當心而痛須臾吐出食出痛止其稿在賁門此皆上焦之膈噎也其或食可下良久復出其稿在幽門此中焦之膈噎也其或朝

食暮吐暮食朝吐其稿在闌門大小腸之間此下焦之膈噎也又氣厥論云肝移寒於心為狂膈中註陽與寒相搏故膈食而中不通此膈熱與寒為之也非獨專於寒也六節藏象云人迎四盛以上為格陽王太僕云陽盛之極故格拒而食不入正理論云格則吐逆故膈亦當為格後世強分為五噎又分為十膈五噎其派既多其感滋甚人之溢食初未必遽然也初或傷酒食或胃熱欲吐或胃風欲吐醫氏不營本原火裏燒姜湯中煮桂丁香未已葶藶繼之葷葷未已胡椒繼之雖曰和胃胃

本不寒雖曰補胃胃本不虛設如傷飲止可逐飲
 設如傷食止可逐食豈可言虛便將熱補素熱之
 人三陽必結三陽既結食必上潮醫者猶云胃寒
 不納燒針灼艾三陽轉結歲月彌深遂成此病世
 傳五噎寬中散有姜有桂十噎散有附有烏其可
 用乎今代劉河澗治膈氣噎食承氣三湯獨超近
 代今予不恤姑示後人用藥之時更詳輕重假如
 閉久慎勿頓攻搃得攻開必慮後患宜先潤養小
 著湯丸累累加之關高自透其或咽噎上阻痰涎
 輕用苦酸微微涌出因而治下藥勢易行設或不

行蜜鹽下導始終勾引西藥相通結散陽消飲食
 自下莫將巴豆耗却天真液燥津枯留毒不去人
 言此病曾下奪之從下奪來轉虛轉痞此為巴豆
 非大黃牽牛之過也夫論三陽結為膈病力開世
 倍言胃冷用熱藥之悞可謂明且詳矣但用藥專
 指承氣而言則失之太峻蓋此藥有實熱者可用
 之其有脾胃虛衰並血液枯竭之人皆在所禁也
 論吐分三焦法

病機之治吐有三氣積寒也皆從三焦論之上焦吐
 者皆從於氣氣者天之陽也其脈浮而洪其症食

已暴吐渴而飲水大便燥結氣上衝胸發痛其治
當降氣和中中焦吐者皆從於積有陰有陽食與
氣相假為積而痛其脈浮而匿其症或先痛而後
吐或先吐而後痛治法當以小毒藥去其積行其
氣下焦吐者皆從於寒地道也其脈沉而遲其朝
食暮吐暮食朝吐小便清大便秘而不通治法當
以毒藥通其閉塞溫其寒氣大便秘漸通復以中焦
和之不令大便秘結而自愈也

丹溪曰翻胃大約有四 血虛氣虛 有熱有痰
又有七情鬱 大法用童便韭汁竹瀝牛羊乳姜

汁 血虛不能滋潤生火者脈必數而無力四物
湯為主加童便竹瀝姜汁大便秘結加棗仁紅苳
痰血積滯脈必芤而清輕者四物加丹皮韭汁在
上者西角地黄湯在下者桃仁承氣湯 氣虛不
能運化生痰者脈必緩而無力四君子湯為主加
蘆根童便虛甚者加童便竹瀝姜汁乳汁 氣血
俱虛者則口中多出沫但見沫大出者必死 有
因熱火氣冲逆食不得入者脈必數大而有力實
火用黃連解毒加童便姜汁便秘者六乙承氣湯
人參利膈丸虛火衝上食不得入桔梗二陳湯加

厚朴白朮木香少許或加姜汁乳汁錢氏白朮散
便秘者麻仁丸陰虛陰火炎上翻胃者補陰丸
有因痰飲阻滯食不得入者脈必弦滑寸關脈沉
或伏而不大二陳湯為主或加芫連蒺貝 有七
情鬱結食不得下脈必沉瀯飲食喜靜胃背痛者
四七湯四磨湯傷神不睡者溫膽湯加人參酸棗
或硃砂安神丸有積聚者撞氣阿魏丸惡聞食氣
者五膈寬中散食物硬傷者九轉金丹吊虫黑白
丸遇仙丹秘受三釐散潤腸膏黃龍丸秘傳半夏
厚朴湯有氣結者寸關脈沉而澁宜開滯導氣之

藥 年少者四物湯清胃腕血燥不潤便故澁
年高者不治亦用參朮關防氣虛胃虛 又有積
血停於內而致當消息逐之大便澁者難治常令
食兔肉則便利 糞如羊屎者不治大腸無血故
也 翻胃即膈噎膈噎乃翻胃之漸治用黃連三
錢生姜汁浸炒山查肉二錢保和丸二錢同為末
糊丸如麻子大胭脂為衣人參湯入竹瀝再煎一
沸下六十九

脈法

寸緊尺瀯其人胸滿不能食而吐為反胃 寸口脈

微而數微則無氣無氣則榮虛榮虛則血不足血不足則胸中冷 跌陽脈浮而瀦浮則為虛瀦則傷脾脾傷則不磨朝食暮吐暮食朝吐完穀不化名曰胃反脈緊而澁其病難治雖緊而緩易治脈弦者虛也胃氣無餘朝食暮吐寢為胃反寒在於上醫反下之令脈反弦故名曰虛 胃脈奕而散者當病食痺至真要論云食痺而吐 腎脈微緩為洞洞者食不化下噎還出 反胃之脈沉細散亂不成條道沉浮則有中按則無必死不治更參面色不欲黃白亦不欲純白皆惡候也

論五噎五膈

嚴氏云五噎五膈者由喜怒不常七情傷於脾胃鬱而生痰痰與氣搏升而不降飲食不下蓋氣留於咽噎者則成五噎結於胸膈者為五膈五噎之名憂思勞食氣也五膈之名憂患寒熱氣也其病令人胸膈痞悶嘔逆噎塞妨碍飲食治法調順陰陽化痰下氣陰陽平勻氣隨痰下則病無由而作矣按膈噎之症皆由氣聚成積自積成痰痰積之久血液俱病以其為病在咽在膈故前人立膈噎二者之名三因方又分五噎五膈病狀徒有其名為

治則一而已故不叙焉又嚴氏為化痰下氣之說夫氣之不下痰之不化必有為病之因苟不治其本而專以香燥之藥治其標痰氣何由而下也

論噎食

噎謂飲食入咽而阻礙不通梗澁難下有下者有不得下者有吐者有不吐者故立別門

夫噎名雖曰有五原其氣在於氣弱血枯之人思慮勞慙而成者也氣弱則運化不開血枯則道路閉澁蓋心主血腎主氣任脈乃陰之母枯則精涸任脈不潤矣任脈循咽噎胸中胃之三皖一直而下

腎虛則丹田清氣不上故中焦乏順下之化脾雖思味而喜食因升降不前而成噎矣宜絕慙以復精血須節食順志以和心脾煎活血潤膈湯服於日間瓊玉膏服於清晨之空腹和中丸服於食後若大腸乾結服潤下丸於戌亥患此者其七情六慙不除縱有仙丹亦何益矣

論噎為諸氣所致

鍼經曰怒氣所至食則氣逆而不下勞氣所至為咽噎病為喘促思氣所至為中痞三焦閉塞為咽噎不利

論噎塞為陰中伏陽所致

張明曰噎者六府之所生陽也氣也寒者五臟之所生陰也血也二者皆由陰中伏陽而作也

論治噎之法

丹溪曰或云胃腕乾稿其治可得用乎予曰古方用人參以補肺御米以解毒竹瀝以清痰乾姜以養血粟米以實胃蜜以潤燥正是此意張雞峯亦曰噎當是神思間病惟內觀自養可以治之此言深中病情治法亦為近理夫噎病生於血乾夫血陰也陰主靜內外而靜則藏府之火不起而食水二

臟有養陰血自生腸胃津液傳化合宜何噎之六

血稿者地黃麥門冬當歸煎膏入韭汁乳汁童

便盧根汁菝仁泥和勻細細呷之 大便秘澁加

桃仁泥玄明粉或用人參散 有實積者可暫用

厚朴丸亦可用昆布丸 食物下咽屈曲自膈而

下梗澁作微痛多是瘀血用前膏子藥潤補之後

以代抵當丸行之 有生姜汁煎方用生姜汁白

蜜牛酥各五兩人參去蘆末百合末各二兩內銅

鍋中慢火煎如膏不拘時候含一匙如半棗大津

嚥或煎人參湯調下一茶匙亦得此虛而燥者宜

之 手巾布裹舂杵頭糠時時拭齒治卒噎刮舂
米杵頭細糠吞之或煎湯呷或煉蜜丸含嚙津亦
得 杵頭糠人參末石蓮肉末柿霜玄明粉等分
舐喫 枇杷葉拭去毛炙陳皮去白各一兩生姜
半兩水煎分溫三服 噎病喉中如有肉塊食不
下用昆布二兩洗去鹹水小麥二合水三大盞煎
候小麥爛熟去滓每服不拘時一小盞仍揀取昆
布不住含三兩片嚙津極効 噎病穀不出竹皮
飲

東垣曰堵塞咽喉陽氣不得出者曰塞陰氣不得下

降者曰噎夫噎塞迎逆於咽喉胸膈之間令諸經
不行則口開目瞪氣欬絕當先用辛甘氣味俱陽
之藥以瀉其標也寒月陰氣大助陰邪於外於正
藥內加吳萸大熱大辛苦之味以瀉陰寒之氣暑
月陽盛則於正藥中加青皮陳皮益智黃栢散寒
氣瀉陰火之上逆或以消痞丸合滋腎丸或更加
黃連別作丸空心服七八十丸待少時以美食壓
之不令胃中停留也已上諸法悉於補中益氣湯
加減之

脈法

寸口脈浮大醫反下之此為大逆浮即無血大即為
 寒寒氣相搏即為腸鳴醫不知而反與飲水令大
 汗出水得寒氣冷必相搏其人即噎 寸口脈緊
 而芤緊則為寒芤則為虛虛寒相搏脈為陰結而
 遲其人則噎

評曰

夫反胃之症其始也或由飲食不節痰飲停滯或因
 七情過用脾胃內虛而佐古方不察病因悉指為
 寒用香燥大熱之藥治之夫此藥止能逐寒邪行
 滯氣其於飲食痰積豈能祛逐而七情之火反有

所熾脾胃之陰反有所耗是以藥助病邪日以深
 痼夫治此疾也咽嗑閉塞胸膈痞悶似屬氣滯然
 有服耗氣藥過多中氣不運而致者當補氣而自
 運大便燥結如羊屎似屬血熱然服通利藥過多
 致血液耗竭而愈結者當補血潤血而自行有因
 火逆衝上食不得入其脈洪大有力而數者或痰
 飲阻滯而脈結滯者當清痰泄熱其火自降有因
 脾胃陽火亦衰其脈沉細而微者當以辛香之藥
 溫其氣仍以益陰養胃為主非如局方之務燥烈
 也然反胃多主於小腸蓋心與小腸為受盛其胃

中穀味精華之氣先入於肺即濁者為衛也而腐
 熱有形之物則當從胃之下口幽門而過小腸轉
 化糟粕盛味而成血焉即清者為榮也既能納則
 知病不在於胃明矣必欲盡吐而方寬快知在太
 倉下口不容過而然也經曰人未飲食則腸實而
 胃虛已食則胃實而腸虛能受物復欲翻出者是
 手太陽小腸之經為病也其治宜從標之火論心
 之府屬丙過則致腸中結燥窒塞幽門食停隨炎
 上而復出矣治宜通幽湯丸施之於前滋陰生精
 降火之劑繼之於後至治吐分三法以三焦有司

入司化司出之職與命門為表裏也夫命門者陰
 中之陽也名作強之官精智也藏焉精乃津液之
 萃者也精克則順下少則順下艱難甚則逆翻而
 轉也至因七情之氣不得蕪洩以致思傷脾而困
 憊致肝鬱則木乘土位木曰曲直而作酸噯酸久
 而成十膈之症宜服疎肝啟脾湯丸膈久則噎謂
 飲食停閣胸中胃管不得潤利而下蓋大腸共肺
 為傳送失職而然也責在肺無氣力之推送胃乏
 潤下之肥滑雖肺主氣其源出於腎水生氣於丹
 田也丹田克則清氣上行於肺故肺不燥而大腸

潤則上通下達而為傳送否則宜用八仙順下湯
 人稟素薄而不善食者宜沖和健脾丸因飲食失
 節勞役思慮曰內傷者宜四製白朮丸補中益氣
 湯飲食自倍脾胃乃傷者宜保和丸枳朮丸甚者
 脾積丸或服消毒涼血滋陰之藥過多而成脾洩
 者并中氣下陷為嘔瀉者宜升陽益氣湯中黃大
 保丸或為七情所發三焦傳化失常所致此皆主
 於氣也則當從氣治之或血液所虧胃腕乾稿或
 血積所致此皆因於血也則當從血治之塞者填
 塞不通之義故幽門不通噎塞不便則宜通幽湯

蓋陽無陰不能施化陰之失位而陽伏其中傳化
 不變而反上行矣然人有所擊撲墜跌致瘀忽即
 吐而食不能納此由氣血俱傷所可見也大抵當
 從氣血治之豈可類用香燥反耗氣血耶今人用
 香熱之藥療五噎反胃等症是亦不啻水火既濟
 之理耳實實虛虛遂成危症莫甚於此也悲夫

呃逆門

即欬逆傷寒論謂欬逆諸書謂之吃逆俗名調之發飭是也

呃逆證

內經曰諸逆衝上皆屬於火丹溪曰欬逆者自臍下
 直衝上出於口而作聲之名也有痰有氣虛有陰

火東垣謂火與元氣不兩立又謂火為元氣之賊
 又謂是陰火上衝而吸之氣不得入胃脈反逆由
 陰中伏陽而作也從四時用藥法治古方悉以胃
 弱言之而不及火且以丁香柿蒂竹茹陳皮芩劑
 治之未審孰為降火孰為補虛人之陰氣依胃為
 養胃土傷損則木氣侮之此土敗木賊也陰為火
 所乘不得內守木挾相火乘之故直衝清道而上
 言胃弱者陰弱也虛之甚也病人見此似為危症
 然亦有實者不可不知嗟乎聖人之言胃氣逆為
 噦者非由一因而逆緣王太僕用霸樞之意竟作

腎寒逆上之病註之由是後代方論或用熱劑治
 寒或用辛溫散氣安知脾與胃一陰一陽也二者
 不和亦逆腎肝在下相陵亦逆且腎之逆未可便
 謂之寒也左腎主水性本潤下烏能自逆必右腎
 相火炎上挾其衝逆須觀所挾多寡分正治反治
 以療之肝木之風從少陽相火衝尅者亦必治火
 皆當如其所言以治若別有其故而噦者又必如
 仲景法隨其攸利治之戴云吃逆者因痰與熱胃
 火者極多

劉宗厚曰呃逆一症有虛有實有火有痰有水氣不

可專任寒論蓋傷寒發汗吐下之後與瀉利日久
 及大病後婦人產後有此者皆脾胃氣血大虛之
 故也若平人食入太速而氣噎或飲水喜咲錯喉
 而氣搶或因痰水停隔心中或因暴怒氣逆痰厥
 或傷寒熱病失下而有此者則皆屬實也夫水性
 潤下火氣炎上令其氣自下衝上非火而何大抵
 治法虛則補之補須分寒熱如因汗吐下後誤服
 寒涼過多當以溫補之如脾胃陰虛火逆上衝當
 以平補之挾熱者涼而補之若夫實者如傷寒失
 下地道不通因而呃逆當以寒下之如痰飲停蓄

心下或暴怒氣逆痰厥此必形氣俱實別無惡候
 皆當隨其邪之所在而涌之泄之清之利之凡此
 疾首以丁香柿蒂為言果寒者可也殊不知此藥
 不能補陰不能降火不能清氣利痰惟溫煖助火
 豈宜抱治斯疾乎

辨欬逆與噦不同

趙以德曰成無己云噦者俗謂之欬逆呃呃然有聲
 然引欬逆是噦非也內經以噦與欬逆為兩症噦
 是胃病欬逆是肺病謂胃氣逆為噦註云胃為水
 穀之海腎與為關關閉不利則氣逆而上胃以包

容水穀性喜受寒寒穀相搏故為噦也又謂陽明之復欬噦太陽之復嘔出清水及為噦噫少陰之瘦噦噫靈樞亦謂穀入於胃胃氣上注於肺今有故寒氣與新穀氣俱還入於胃新故相亂真邪相攻氣并相逆復出於胃故為噦補手太陰瀉足少陰張仲景言噦者皆在陽明證中謂溫家下之太早則噦而陽明病不能食攻其熱則必噦皆因下後胃氣虛而噦者也至有風熱內壅氣不能通有潮熱時時噦者與小柴胡湯和解之噦而腹滿視前後知何部不利利之者此皆可治之症至若病

極譫語甚者至噦又不尿腹滿加噦者皆不治

難知云夫欬逆症活人斷為噦逆其說似是而非蓋噦者乾嘔也若有物直出則為吐也嘔物旋出則為嘔也嘔無物出則為噦也欬逆者或水漬於肺而心痞或連續不已而氣逆或喜咲過多而氣噎或燕飲而錯喉而氣搶或急食乾物而氣塞皆能作欬逆之聲連續不絕俗謂之吃忒是也大抵欬逆者不順之義吃忒者差錯之義二者皆氣不得下為火熱托之而使上至咽喉中噎而止也人或以紙撚鼻嚏而止或詐寃盜賊因恐而止或鼻熱

開食香調氣而止皆抑之駭之而使氣下也千金以欬逆上氣者為病肺脈散者死是心火刑于肺金也是以李氏稱易老云欬逆者火熱急奔上行而肺金不內何其當哉故便閉者大承氣湯下之便軟者瀉心湯主之朱氏斷為胃寒并陽症二法用藥治噦雖勝大抵其噦之意止是氣逆上行似欬逆耳即非仲景所請欬逆之本症也蓋噦者出穀也噦出其氣噦穀盡然後吸欬逆者入穀也抑氣不出逆穀盡然後呼也出入呼吸其大不同兼嘔噦者本於胃欬逆者本於肺何其難辨哉

內經云歲金大過欬逆金鬱之發欬逆少陰二氣欬逆內經所言欬逆者止此他書唯傷寒論欬逆脈散者死又金匱治欬逆上氣諸方而已似皆指肺金及火為病也保命集又以欬逆為噫噫氣者胸中氣不交也少陰經至胸中交於厥陰水火相傳而有穀靈樞云噫者寒氣客于胃厥逆從下而上復出於胃故為噫註云噫象火烟隨焰出心不受邪故噫出之說各有其義

論傷寒欬逆有寒有熱

活人書以欬逆為噦故今從而以仲景言噦者入于

欬逆門縱使仲景言噦非此症活人論症用藥則是欬逆而非嘔噦大抵欬逆者多由汗下之後胃虛而作活人以虛作寒治故用諸溫熱之藥然亦有虛而有熱者有實而有熱者所引橘皮竹茹湯未能詳盡也

欬逆分陰陽證

畧例云陽症欬逆者胃熱失下也陰消將盡陽逆上行使陰不內也為惡候或兼以舌攣語言不正而反昏冒與咽痛者少陰也速下之宜大承氣湯若陽極脈微將盡者不宜下宜瀉心湯養陰退陽而

已涼膈芒硝清肺亦可陰症者內已伏陰陰氣太甚腎水擅權肝氣不生胃火已病丁火又消所有遊行相火寒邪迫而牽集於胸中亦欬盡也故令人發熱大渴引飲并去蓋覆病人猶覺熱也他人按之身體皆寒此火即無根之火也故用丁香乾姜之類溫胃其火自下欬逆乃止非如陽症以涼膈瀉心湯退心火陰氣乃生且陰症欬逆從嘔噦而生胃寒嘔噦不已陽逆繼之也

欬逆分手足經標本辨

難知云活人以欬逆為噦謂若可下之宜調胃承氣

湯是邪氣在胃故斷之為噦是則然矣抑不思欬逆者是足陽明失下傳手太陰活人但言其火之本不言其火之標炎上至極高之分而欬逆也合而觀之噦與欬逆同一熱也分而言之噦為本為膽為胃為中欬逆為標為心為肺為上若標病應見止當治標不必名噦若言作噦使後人只見膽胃本而不見心肺標也此一說又足經甲戌而傳手經丁辛也

論雜病欬逆皆由病後胃虛所生

三因云欬逆之病多因吐利之後胃中虛寒遂成此疾亦有胃中虛膈上熱欬逆至八九聲相連收氣不固者大抵傷寒久病後老人虛人及婦人產後多有此症者皆病深之候也亦有欬逆而心下痞悸者有痰水所為別無惡候者是也

治法

痰者陳皮半夏 氣虛人參白朮 陰火黃連黃柏
滑石 不足者人參白朮湯下大補丸 有餘并
有痰者吐之人參蘆之類痰碍氣而吃逆者用蜜
水吐之此乃燥痰不出者 欬逆自利者滑石甘
草炒栝白芍人參白朮陳皮加竹瀝 胃傷陰虛

木挾相火直衝清道而上者宜參朮湯下大補陰
 丸吐利後胃虛寒者理中湯加附子丁香柿蒂
 吐利後胃虛熱橘皮竹茹湯有胃熱者治實
 熱之劑其脈洪大燥渴便難是也大承氣湯呃逆
 大便軟利瀉心湯有痰氣滯逆者其氣從胸中
 起中洲元氣鬱也用蜜水探吐之有因暴怒肝
 木乘火侮肺而呃逆大作者人參蘆吐之蓋怒則
 氣上肝主怒肺主氣參蘆大瀉手太陰之陽喜吐
 痰盡氣降火衰金氣復位胃氣得和故解吐後通
 用小半夏茯苓湯加枳殼木香火加枝苓利後橘

皮竹茹湯之劑補虛有陰火自臍下逆上夜分
 轉甚四物湯加知柏陳皮竹茹茯苓久病後元
 氣不足胃虛而呃脈必豁大無力人參白朮湯下
 補陰丸胃虛寒而呃久參理中湯挾虛火者柴胡
 理中湯即小柴胡對理中加山梔五味防風痢後
 發呃多不治六君子補虛灸甘草湯胃寒而呃
 脈遲瀋手足寒嘔吐無熱症者丁香柿蒂湯又
 活套云凡傷寒發呃有四症不可不辨有中氣不
 足脈虛微氣不相續而發呃者宜用補中益氣湯
 加生脈散黃柏以降虛火或少加附子服之立愈

有陽明內實失下而發呃者宜大承氣湯下之而愈
 有渴而飲水太過成水結胸而又發呃者宜小陷胸湯或用小青龍湯去麻黃加附子治水寒相搏發呃大妙有傳經傷寒熱症醫者誤用姜桂等熱藥助起火邪痰火相搏而為欬呃者宜用黃連解毒湯白虎湯及竹瀝之類治之

脈法

脈浮而緩者易治 脈結或促或微者可治 弦急按之不鼓難治 右關脈弦而代者危

灸法

治呃逆於臍下關元灸七壯立愈累驗 又方灸期門男左女右或三壯甚者二七壯

產後呃逆

產後呃逆此惡候也急救期門三壯神効屈乳頭向下盡處是穴乳小者乳下一指為率男左女右與乳正直下一指陷中動脈處是穴炷如小豆大穴真病立止 桂心五錢姜汁三合水煎服 參附湯右階 乾柿蒂一箇切碎以水一盞煎六分熱呷內有熱不禁熱劑者可用

諸逆衝上

逆氣五藏皆有一曰心小腸經云諸逆衝上皆屬於
 火又云少腹控睪引腰脊上衝心邪在小腸 二
 曰胃經云胃為氣逆是也胃逆有嘔有吐有噦
 三曰肺大腸經云肺苦氣上逆急食苦以泄之又
 云腹中常鳴氣上衝胸喘不能久立邪在大腸
 四曰肝經云肝氣逆則耳聾不聰 五曰腎即奔
 豚氣逆脚氣衝心之類是也治亦各有門 六曰
 腎經云督脈別絡生病從少腹上衝心而痛不得
 前後為衝疝是也

運氣厥逆有三

一曰風火經云少陽司天火氣下臨風行於地厥逆
 膈不通是也 二曰寒經云水鬱之發善厥逆是
 也 三曰濕經云太陰司天濕氣下臨厥逆是也
 經云逆氣象陽九氣逆必見象陽疝面赤脈洪當以
 法降其逆乃愈若以氣象陽盛而用寒藥攻之則
 不救矣 氣上衝心咽不得息治法見傷寒厥陰
 病條 東垣云如秋冬之月胃脈四道為衝脈所
 逆并脇下少陽脈二道而反上行病名曰厥逆經
 曰逆氣上行滿脈去形七神昏絕離去其形而死
 矣其疝氣上衝咽不得息喘息有聲不得卧於調

中益氣湯加吳萸半錢或一錢觀厥氣多少用之
 如夏月有此症為大熱也蓋此症隨四時為寒熱
 溫涼宜以酒連酒栢酒知母各等分為細末熟湯
 為丸如桐子大每服二百丸空心白湯下仍多飲
 湯服畢少時便以美食壓之使不得胃中停留直
 至下焦以瀉衝脈之邪也 戴復菴云虛炎之症
 陰陽不升降下虛上盛氣促喘息宜以蘇子降氣
 湯去前胡下黑錫丹或養正丹氣急甚而不能眠
 卧者沉附湯或正元散或四桂散去木香用沉香
 並以鹽煎下黑錫丹或靈砂丹三炒丹不効則以

前藥下硃砂丹

此多用香燥剛熱之劑若陰虛內熱者慎用立始醫者審之

評曰

按欬逆之症乃由陰氣已虛胃火熏蒸津液成痰凝
 滯於胸膈之間阻碍氣道所以欬逆也古方皆作
 胃寒所致槩以丁香柿蒂姜桂等劑至於補虛降
 火養陰之藥及治痰氣厥逆之法皆未之詳然此
 症有陰陽寒熱虛實之分如虛者當補則補中亦
 有寒熱陰陽如實者當瀉則瀉中亦有寒熱陰陽
 學者自宜隨症而用之矧胃熱欬逆者常多而胃
 寒欬逆者千百中而一二也若專以為寒而惟用

治寒之劑則誤人多矣故必嘗脈驗症虛者温而
 補之實者寒而下之陰虛者平而補之陽盛者涼
 而瀉之熱者清而泄之寒者熱而補之痰飲則
 逐之氣逆則順而降之如是而用藥則可以祛
 疾而奏効矣

嘈雜噫氣門

總論

內經曰胃為水穀之海無物不受皆因縱性過食温
 麪水菓生冷烹飪難化苛物恣食無節朝傷暮損
 而成清痰流飲滯於中宮輕則暖氣嘈雜吞酸甚

則痞滿嘔噎翻胃即此之由也夫嘈雜之症似饑
 不飢似痛無痛有懊憹不寧之狀是也或兼痞滿
 惡心漸至胃脘作痛痰火之為患也治宜消痰降
 火健脾行温壯其本元又當即憇忌口無不安也

嘈雜

嘈雜與吞酸一類皆由肺受火傷不能平木木挾相
 火乘肺則脾中和之氣索矣穀之精微不行濁液
 攢聚為痰為飲其痰亦或從火木之成化酸肝木
 搖動中土故中土擾擾不寧而為嘈雜如飢狀每
 求食以自救苟得少食則嘈雜亦少止止而復作

蓋土虛不禁木所搖故治法必當補土伐木治痰
飲若不以補土為君務攻其邪久久而虛必變為
反胃為瀉為痞滿為眩暈等病矣

治法

雜者俗名心嘈是也有痰因火動者必痰多脈滑
而數治痰為先伐火次之陳加芩連枝姜炒為
君星半為佐有食鬱作熱者脈數而大當治其
火而開導次之苓連枳朮丸加曲蘗山查陳半食
鬱不消胸滿嘈雜枳朮丸加茯苓有因氣鬱者
脈沉而濕宜開鬱理氣越鞠丸二陳枳椇香附烏

